

UPRAVA POLICIJE, MINISTARSTVO UNUTRAŠNJIH POSLOVA KANTONA SARAJEVO, ul. La Benevolencija broj 16, ID broj: 4200220350146 koju zastupa policijski komesar, generalni inspektor policije Nusret Selimović (u daljem tekstu: Ugovorni organ)

i

Fakultet za kriminalistiku, kriminologiju i sigurnosne studije, Univerziteta u Sarajevu, Zmaja od Bosne 8, ID broj: 4200597880000, kojeg zastupa dekan Jasmin Ahić, (u daljem tekstu: Davalac usluga)

Zaključili su:

## U G O V O R O STRUČNOM USAVRŠAVANJA POLICIJSKIH SLUŽBENIKA

### Član 1.

Predmet ovog ugovora je pružanje usluga stručnog usavršavanja policijskih službenika Uprave policije Ministarstva unutrašnjih poslova Kantona Sarajevo.

### Član 2.

Pružanje usluga stručnog usavršavanja policijskih službenika se vrši na osnovu provedenog postupka dodjele ugovora za neprioritetne usluge u skladu sa članom 8. Zakona o javnim („Službeni glasnik BiH“ broj: 39/14) i u skladu sa odredbama Pravilnika o postupku dodjele ugovora o uslugama iz Aneksa II dio B Zakona o javnim nabavkama ("Službeni glasnik BiH", broj 66/16), a na osnovu Odluke broj 02-11-4-1302/21 od 08.03.2021. godine. Sastavni dio ovog ugovora je ponuda Davaoca usluga broj: 01-01-1211/20 i broj: 01-01-1211-1/20 od 24.02.2020. godine.

### Član 3.

Ukupna ugovorena vrijednost za predmetne usluge iznosi 1.900,00 (jednahiljadadevetstotina i 00/100) KM sa uključenim PDV-om.

### Član 4.

Usluge stručnog usavršavanja iz člana 1. i 2. ovog ugovora će se izvoditi u prostorijama ugovornog organa, na adresi Nahorevska bb, a u ukupnom trajanju od 1 radnog dana kroz 6 (šest) kontakt sati.

Period održavanja stručnog usavršavanja je 15.12.2021. godine, sa početkom u 09.00 sati i trajanjem do 15.00 sati.

### Član 5.

Usluge stručnog usavršavanja iz člana 1. i 2. ovog ugovora će se izvoditi od strane akademskog osoblja Fakulteta za kriminalistiku, kriminologiju i sigurnosne studije Univerziteta u Sarajevu.

Usluge stručnog usavršavanja iz člana 1. i 2. ovog ugovora čine nastavak akademskog programa edukacije „Obrada lica mjesta krivičnog djela“, koji nije realizovan u potpunosti zbog nemogućnosti izvršenja dijela obaveza usljed pandemije korona virusa, a po osnovu Ugovora broj: 02-11-4-571-4/20 od 11.03.2020. godine.

Program edukacije čine:

1. Praktične vježbe (obrada lica mjesta na simuliranom licu mjesta i izrada propisane dokumentacije).

#### Član 6.

Ugovorni organ se obavezuje da će Davaocu usluga prethodno, a prije dana početka održavanja, dostaviti spisak policijskih službenika koji će pohađati predmetno stručno usavršavanje.

#### Član 7.

Davalac usluga se obavezuje da će usluge stručnog usavršavanja policijskih službenika izvršiti u svemu u skladu sa ponudom, koja je sastavni dio ugovora i da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršenih usluga.

#### Član 8.

Po okončanju stručnog usavršavanja Davalac usluga se obavezuje da svim učesnicima – policijskim službenicima dodijeli certifikate.

#### Član 9.

Ugovorni organ će ugovorenu cijenu plaćati Davaocu usluga u roku od 20 (dvadeset) dana od dana dostavljanja uredne fakture, na tekući račun Davaoca usluga.

#### Član 10.

Na ostala prava i obaveze ugovornih strana, koja nisu regulisana ovim ugovorom, primjenjivat će se odredbe Zakona o obligacionim odnosima.

#### Član 11.

Sve eventualne nejasnoće nastale po ovom ugovoru, ugovorne strane će rješavati sporazumno. Ukoliko to nije moguće, za sve eventualne sporove nastale po ovom ugovoru nadležan je sud u Sarajevu.

#### Član 12.

Ugovorne strane su saglasne da se ovaj ugovor zaključi na određeno vrijeme. Ovaj ugovor je zaključen, kada isti potpišu obje ugovorne strane, a počinje važiti od datuma početka održavanja stručnog usavršavanja policijskih službenika i traje do uredne realizacije ugovorenih obaveza ugovornih strana.

#### Član 13.

Ovaj ugovor je sačinjen u četiri (4) istovjetna primjerka, od kojih svaka ugovorna strana zadržava po dva (2) primjerka.

#### DAVALAC USLUGA

Fakultet za kriminalistiku,  
kriminologiju i sigurnosne studije  
Univerziteta u Sarajevu

dekan Jasmin Ahić

Broj: 02-11-4-1302-4/21  
Datum: 14.12.2021. godine

#### UGOVORNI ORGAN MUP KANTONA SARAJEVO UPRAVA POLICIJE

POLICIJSKI KOMESAR  
Generalni inspektor policije  
Nusret Selimović

Broj:02-11-4-1302-4/21  
Datum: 13.12.2021. godine